

ქ. თბილისი

საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების შესყიდვის სატენდერო კომისიის სხდომის ოქმი №1

სხდომას ესწრებოდნენ:

კომისიის თავმჯდომარე, ფინანსური დირექტორი - დავით ტეტუნაშვილი;
 კომისიის თავმჯდომარის მოადგილე, ადმინისტრაციული დირექტორი - გენადი კერძევაძე;
 კომისიის წევრი, ექსპლუატაციის დირექტორი - გიორგი ხუბუა;
 კომისიის წევრი, იურიდიული დეპარტამენტის უფროსი - ზურაბ მარაქველიძე;
 კომისიის წევრი, შესყიდვების დეპარტამენტის უფროსი - თენგიზ ნასარიძე;
 კომისიის წევრი, სამელიორაციო პროექტების დაგეგმვის და მართვის დეპარტამენტის უფროსი - ზურაბ ქაჯაია;
 კომისიის წევრი, ფინანსური დეპარტამენტის საფინანსო-ეკონომიკური სამსახურის უფროსი - ნინო ცუხიშვილი;
 კომისიის წევრი, შესყიდვების დეპარტამენტის უფროსის მოადგილე - თეიმურაზ ბეჟაური;
 კომისიის აპარატის წევრი, ელექტრონული შესყიდვების განყოფილების უფროსი - დავით გრიგოლაშვილი;
 კომისიის აპარატის წევრი, ელექტრონული შესყიდვების განყოფილების მთავარი სპეციალისტი - მამუკა სიხარულიძე;
 მოწვეული პირი, პროექტირების სამსახურის უფროსი - ირაკლი წურწუშია.
სხდომას არ ესწრებოდა:
 კომისიის წევრი, ტექნიკური დირექტორი - თენგიზ ლაკირბაია.

დღის წესრიგი:

- შპს „საქართველოს მელიორაცია“-ს მიერ საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების შესყიდვის ელექტრონული ტენდერის (აუქციონის გარეშე - NAT) სატენდერო პირობების განხილვა და დამტკიცება.

განხილვა:

- სატენდერო კომისიის თავმჯდომარემ დავით ტეტუნაშვილმა სატენდერო კომისიას მოახსენა, რომ სხდომას მდივნობას გაუწევს კომისიის აპარატის წევრი მამუკა სიხარულიძე.
- კომისიის სხდომაზე მოსმინეს კომისიის აპარატის წევრის მამუკა სიხარულიძის ინფორმაცია, საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების სახელმწიფო შესყიდვის განსახორციელებლად, სატენდერო განცხადებისა და სატენდერო დოკუმენტაციის შესახებ.
- სამელიორაციო პროექტების დაგეგმვის და მართვის დეპარტამენტის უფროსის 14/03/2019 წლის №5020 მოხსენებითი ბარათით მოთხოვნილია საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების შესყიდვა სავარაუდო ღირებულებით - 4'936'418 (ოთხი მილიონ ცხრაასოცდათექვსმეტი ათას ოთხასთვრამეტი) ლარი. ზემოაღნიშნულ მოხსენებით ბარათს თან ერთვის სატენდერო დოკუმენტაციის ელექტრონული ვერსია 1 ცალ CD დისკზე.
- შპს „საქართველოს მელიორაცია“-მ მიმართა საქართველოს ფინანსთა სამინისტროს საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების მრავალწლიანი შესყიდვისთვის თანხობის მიღების მიზნით;
- საქართველოს ფინანსთა სამინისტრო 18/03/2019 წლის N 04-02/28664 წერილით თანახმაა საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების მრავალწლიანი შესყიდვის განხორციელებაზე.
- კომისიის სხდომაზე გაიმართა მსჯელობა, პრეტენდენტის გამოცდილების შესახებ განსასაზღვრ მოთხოვნებთან დაკავშირებით. კომისიას წარედგინა სახელმწიფო შესყიდვების სააგენტოს რეკომენდაცია კვალიფიკაციის დამადასტურებელ მოთხოვნებთან დაკავშირებით. აღნიშნული რეკომენდაციის თანახმად, პრეტენდენტის მიერ წარსადგენი ანალოგიური პროექტების ჯამური ოდენობა ზომიერ პროპორციაში უნდა იყოს განსახორციელებელი პროექტის სირთულესთან – შესყიდვის ობიექტის მოცულობასთან და იმ პერიოდის ხანგრძლივობასთან, რომლის განმავლობაშიც საჭიროა შესრულდეს მოცემული პროექტი. ამასთან, რეკომენდირებულია, რომ აღნიშნული მოთხოვნები ვრცელდებოდეს არაუმეტეს უკანასკნელ სამ სრულ წელიწადზე.

რეკომენდაციის თანახმად, შესაძლებელია გამოყენებულ იქნას ორი ალტერნატივა:

- 1) პრეტენდენტის ზოგადი შესაძლებლობების შეფასება თავისუფალი რესურსის გათვალისწინების გარეშე;
- 2) პრეტენდენტის ზოგადი შესაძლებლობების შეფასება სხვა მიმდინარე ვალდებულებების გათვალისწინებით.

პირველი ალტერნატივის დადებით მხარეს მეთოდის სიმარტივე წარმოადგენს, ხოლო მეორე მეთოდის უარყოფით მხარეს, პრეტენდენტის მიერ წარმოდგენილი ინფორმაციის გაკონტროლების სირთულე განეკუთვნება. კომისიის გადაწყვეტილებით, მიზანშეწონილად იქნა მიჩნეული გამოყენებული ყოფილიყო პირველი, შედარებით მარტივი მეთოდი.

სხდომაზე იმსჯელეს რეკომენდაციაში ასახულ, გამოცდილების შესაბამისი ალტერნატივის მიხედვით დაანგარიშების ფორმულის შესახებ. შემსყიდველი ორგანიზაციის მიერ შესასყიდი ინფრასტრუქტურული პროექტების სირთულიდან და სპეციფიკიდან გამომდინარე, გადაწყდა, რომ რეკომენდირებული მულტიპლიკატორის ოდენობა განისაზღვროს 0.75-ით. შესაბამისად, შესრულებული სამუშაოს ჯამური ოდენობა დაანგარიშდება შემდეგი ფორმულის მიხედვით:

$$\Sigma = \frac{E \times 12}{D} \times 0.75$$

სადაც:

Σ – პრეტენდენტის მიერ წარსულში შესრულებული, შემსყიდველის მიერ განსაზღვრული ტიპის სამუშაოების ჯამური ღირებულება ლარებში;

E – წინამდებარე ტენდერით განსაზღვრული შესყიდვის ობიექტის სავარაუდო ღირებულება ლარებში;

D – წინამდებარე ტენდერით განსაზღვრული სამუშაოების შესრულების პერიოდის (არ მოიცავს სარწყავ პერიოდს) ხანგრძლივობა თვეებში (შესაბამისად, ფორმულის მრიცხველი მრავლდება რიცხვ 12-ზე, ერთი სრული წლის შესაბამისი ოდენობის დაანგარიშებისთვის).

ასევე, რეკომენდაცია განსაზღვრავს გამოცდილების/ზრუნვის დაანგარიშების ორ მიდგომას:

ა) დაანგარიშებული ანალოგიური პროექტების წლიური ოდენობა პრეტენდენტს უნდა ჰქონდეს განხორციელებული ყოველი მოთხოვნილი ერთწლიანი პერიოდის განმავლობაში (მაგალითად, წელიწადში ჯამურად 100,000 ლარის ოდენობის ანალოგიური სამუშაოები უნდა იყოს შესრულებული როგორც 05.04.2016–05.04.2017 პერიოდის, ასევე 05.04.2017–05.04.2018 პერიოდის განმავლობაში);

ბ) ანალოგიური პროექტების დაანგარიშებულ წლიურ ოდენობას უნდა აღემატებოდეს შესრულებული ანალოგიური პროექტების ჯამური ღირებულების საშუალო მაჩვენებელი (მაგ. ორი ერთწლიანი პერიოდის საშუალო უნდა აღემატებოდეს ფორმულით დაანგარიშებულ ზღვარს).

კონკურენციისა და შესყიდვაში მონაწილეობის მსურველ პოტენციურ მიმწოდებელთა წრის გაზრდის მიზნით, უპირატესობა მიენიჭა მეორე (ბ) მიდგომას.

კომისიის მიერ უცვლელად იქნა დატოვებული შემდეგი მოთხოვნა:

პრეტენდენტს სულ მცირე ერთი შესრულებული ხელშეკრულების ფარგლებში განხორციელებული უნდა ჰქონდეს შემსყიდველის მიერ მოთხოვნილი ტიპის სამუშაოები, არანაკლებ შესყიდვის ობიექტის სავარაუდო ღირებულების 50%-ის ოდენობით.

ასევე, უცვლელად იქნა დატოვებული სამუშაოს ტიპები და დოკუმენტები, რომლითაც უნდა დასტურდებოდეს გამოცდილება.

ამასთან, რეკომენდაციის გათვალისწინებით, კომისიის მიერ გამოცდილების პერიოდად (როგორც ზოგადი, ასევე, ერთი შესრულებული ხელშეკრულების ფარგლებში) განისაზღვრა უკანასკნელი სამი სრული წელი,

ტენდერის გამოცხადების დღიდან (მაგალითად, თუ ტენდერი გამოცხადდა 2019 წლის 1 აპრილს, გამოცდილების პერიოდი იქნება 2016 წლის 1 აპრილიდან - 2019 წლის 1 აპრილამდე მონაკვეთი).

კომისიის გადაწყვეტილებით, სამუშაოების შესყიდვის ტენდერებში, პრეტენდენტის გამოცდილების შესახებ მოთხოვნები უნდა ჩამოყალიბდეს ზემოთ მითითებული მსჯელობის შედეგების შესაბამისად, ამასთან, კომისია უფლებამოსილია, კონკრეტული შესყიდვის მიმართ დააწესოს განსხვავებული მოთხოვნები.

სატენდერო კომისიაზე გაეცნენ წარმოდგენილ ინფორმაცია/დოკუმენტებს და ქვემოთ მითითებულ სატენდერო პირობების პროექტს.

შესყიდვის ობიექტის აღწერასთან დაკავშირებული ინფორმაცია

1.1 მიუთითეთ შესყიდვის ობიექტის დასახელება

საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოები

1.2 მიუთითეთ საჭიონლოს/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

სარეაბილიტაციო ობიექტი ითვალისწინებს ქვემო სამგორის სარწყავი სისტემის მარცხენა მაგისტრალური არხის და მათზე განლაგებული ყველა ნაგებობის რეაბილიტაციას (პკ184+64-პკ313+42), რომლის შემადგენლობაშიც შედის:

- ტრაპეციული კვეთის მაგისტრალური არხი;
- გალერეები;
- წყალსაგდებები და დიუკერები მექანიკური მოწყობილობებით;
- წყალგამშვებები და მათი ჰიდრომექანიკური მოწყობილობები;
- ხიდები და ღვარსაშვები;
- საუბნო სახლის აღდგენა;
- მიწები არხის ქვეშ.

შენიშვნა: პროექტდენტის მიერ სამუშაოები შესრულებული უნდა იქნას სისტემაში 1.2 პუნქტში ატვირთული ფაილების შესაბამისად.

 მოკლე განმარტებითი ბარათი.pdf

 განმარტებითი ბარათი.pdf

 ალბომი 1.pdf

 ალბომი 2_1.pdf

 ალბომი 2_2.pdf

1.3 ატვირთეთ ფაილების ცხრილი/ხარჯთაღრიცხვა

  დანართი N1 - სამუშაოს ხარჯთაღრიცხვა.xls

1.4 მიუთითეთ საჭიონლოს მიწოდების/მომსახურების გაწევის/სამუშაოს შესრულების ვადა

სამუშაოს შესრულების ვადა - ხელშეკრულების გაფორმების თარიღიდან 570 კალენდარული დღე.

სარწყავი პერიოდის განმავლობაში (თითოეულ წელს სავარაუდოდ 7 თვე, შესაბამისი წლის მარტი - სექტემბერი), იმ სამუშაოებზე, რომელთა შესრულება რწყვის პარალელურად შეუძლებელი იქნება, შესრულების ვადა გაიზრდება იმ დროით, რა დროითაც შეჩერებული იყო შესაბამისი სამუშაოები, სარწყავი პერიოდის დაწყებისა ან დასრულების, შესაბამისად, სამუშაოების შეჩერების ან განახლების თაობაზე (ასეთის საჭიროების შემთხვევაში) შემსყიდველი მიმწოდებელს შეატყობინებს სარწყავი პერიოდის დაწყებამდე ან დასრულებამდე სულ მცირე 2 კვირით ადრე.

სავალდებულოა სამუშაოები წარმოებული იყოს ხელშეკრულებით გათვალისწინებული სამუშაოთა შესრულების გეგმა-გრაფიკის განუხრელი დაცვით, მაქსიმალურად უწყვეტ რეჟიმში.



1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

საგარეჯოს მუნიციპალიტეტი



1.6 მიუთითეთ შესასრულებელი სამუშაოს გონივრული საგარანტიო ვადა

1. მიმწოდებელი იძლევა გარანტიას, რომ შესრულებული სამუშაო იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება სამუშაოს შესრულების ტექნიკურ პირობებს.
2. შესრულებული სამუშაოს საგარანტიო ვადა შეადგენს 1 (ერთი) წელს, შემსყიდველისა და მიმწოდებლის უფლებამოსილი პირების მიერ სამუშაოების საბოლოო მიღება-ჩაბარების აქტის გაფორმების თარიღიდან.
3. შემსყიდველის მხრიდან, საგარანტიო ვალდებულების შესრულების საჭიროების თაობაზე, შეტყობინების მიღებიდან 10 კალენდარული დღის განმავლობაში, მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი დეფექტი/გაუმართაობა. იმ შემთხვევაში თუ დეფექტ(ებ)ის/გაუმართაობ(ებ)ის სირთულიდან გამომდინარე, მის აღმოსაფხვრელად საჭიროა მეტი ვადა, მიმწოდებელმა 10 დღიანი ვადის გასვლამდე შემსყიდველთან უნდა შეათანხმოს მოცემული ვადის გაგრძელების საკითხი. ნებისმიერ შემთხვევაში დეფექტ(ებ)ის/გაუმართაობ(ებ)ის აღმოფხვრის ვადა არ შეიძლება აღემატებოდეს 30 კალენდარულ დღეს. შემსყიდველის მხრიდან, საგარანტიო ვალდებულების შესრულების საჭიროების თაობაზე, შეტყობინების მიღების დღიდან, ზემოაღნიშნული ვადების დარღვევის შემთხვევაში, მიმწოდებელს პირგასამტეხლოს სახით დაერიცხება ხელშეკრულების ღირებულების 0.05% ყოველი ვადაგადაცილებული დღისათვის, რომელიც, მოთხოვნიდან 5 (ხუთი) სამუშაო დღეში გადაუხდელობის შემთხვევაში, დაიკავდება მე-5 პუნქტის თანახმად დაკავებული თანხიდან.
4. თუ საგარანტიო ვადის ამოწურვის მომენტისათვის შემსყიდველს მიმწოდებლისთვის გაგზავნილი აქვს საგარანტიო ვალდებულების შესრულების საჭიროების შეტყობინება ან თუ მოცემულ დროს წარმოებს გამოვლენილი დეფექტ(ებ)ის/გაუმართაობ(ებ)ის აღმოფხვრის სამუშაოები, შესრულებული სამუშაოს საგარანტიო ვადა გაგრძელდება შესაბამისი დეფექტ(ებ)ის/გაუმართაობ(ებ)ის აღმოფხვრამდე.
5. შესრულებული სამუშაოების ხარისხის დაცვის მიზნით, შემსყიდველის მიერ ყოველი შესრულებული სამუშაოს ღირებულებიდან დაკავებული იქნება ამ სამუშაოს ღირებულების 5%-ი. აღნიშნული თანხის ნახევარი (2.5%) მიმწოდებელს აუნაზღაურდება დეფექტებზე პასუხისმგებლობის პირველი პერიოდის, 6 თვის, გასვლის შემდეგ, ხოლო მეორე ნახევარი (2.5%) - დეფექტებზე პასუხისმგებლობის მთლიანი პერიოდის, 1 წლის, გასვლის შემდეგ. ამასთან, ორივე შემთხვევაში, ანაზღაურება მოხდება მხოლოდ მას შემდეგ, რაც შემსყიდველი უფლებამოსილი წარმომადგენელი დაამოწმებს, რომ მიმწოდებლის მიერ გასწორებულია ყველა აღმოჩენილი დეფექტი (ასეთის არსებობის შემთხვევაში), ამ მუხლით განსაზღვრულ პასუხისმგებლობის პერიოდ(ებ)ის დასრულებამდე.
6. იმ შემთხვევაში, თუ ნებისმიერი მიზეზით, მიმწოდებელი ვერ/არ უზრუნველყოფს საგარანტიო პერიოდში გამოვლენილი დეფექტ(ებ)ის/გაუმართაობ(ებ)ის აღმოფხვრას, სამუშაოს ხარისხის დაცვის მიზნით შესაბამისი ეტაპისთვის დაკავებული თანხა, პირგასამტეხლოს სახით, მთლიანად რჩება შემსყიდველს.
7. თუ მე-6 პუნქტში აღნიშნული დეფექტ(ებ)ის/გაუმართაობ(ებ)ის აღმოფხვრისათვის საჭირო თანხა აღემატება სამუშაოს ხარისხის დაცვის მიზნით დაკავებულ თანხას, შემსყიდველი უფლებამოსილია, დამატებით მოსთხოვოს მიმწოდებელს აღნიშნული სხვაობის ანაზღაურება საქართველოს კანონმდებლობით დადგენილი წესით.
8. შემსყიდველი უფლებამოსილია, საგარანტიო პერიოდის განმავლობაში, გადაუხადოს მიმწოდებელს სამუშაოს ხარისხის დაცვის მიზნით დაკავებული თანხა, იმ შემთხვევაში, თუ მიმწოდებელი წარმოადგენს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემულ საბანკო გარანტიას, დაკავებული თანხის იდენტურ ოდენობაზე (შესაძლებელია ასევე წარმოდგენილ იქნას უცხო ქვეყნის საბანკო დაწესებულების მიერ გაცემული საბანკო გარანტია, რომელიც გადახდევული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ). ამასთან, შემსყიდველის უფლებამოსილი წარმომადგენელი უნდა ადასტურებდეს,

მოცემული მომენტისთვის, შესრულებულ სამუშაოზე დევექტ(ებ)ის/გაუმართაობ(ებ)ის არარსებობას.

9. მე-8 პუნქტით გათვალისწინებული საბანკო გარანტია უნდა იყოს უპირობო და შემსყიდველს უფლებას აძლევდეს, საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საბანკო გარანტიით განსაზღვრული სრული თანხა. აღნიშნული საბანკო გარანტიის მოქმედების ვადა სულ მცირე 60 კალენდარული დღით უნდა აღემატებოდეს შესრულებული სამუშაოს საგარანტიო ვადას.

ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

არა

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

კი

☐ ☐ 2.2.1 მოუთხოვთ პრეტენდენტის გამოცდილებასთან დაკავშირებული მოთხოვნები



საანგარიშო პერიოდში*, საქართველოს ტერიტორიაზე, ასევე სხვა ქვეყნის ტერიტორიაზე (გარდა იმ ქვეყნისა, რომლის რეზიდენტსაც

წარმოადგენს პრეტენდენტი ან სათაო კომპანია), პრეტენდენტის მხრიდან, შემსყიდველის მიერ განსაზღვრული ტიპის სამუშაოების ფაქტობრივად შესრულებული ღირებულებების ჯამი უნდა იყოს არანაკლებ 7'015'000 (შვიდი მილიონ თხუთმეტი ათასი) ლარისა. ამასთან, იმავე პერიოდში პრეტენდენტს სულ მცირე ერთი შესრულებული ხელშეკრულების ფარგლებში განხორციელებული უნდა ჰქონდეს შემსყიდველის მიერ მოთხოვნილი ტიპის სამუშაოები, არანაკლებ შესყიდვის ობიექტის სავარაუდო ღირებულების 50%-ის ოდენობით.

*საანგარიშო პერიოდი მოიცავს უკანასკნელ 3 (სამი) სრულ წელს ტენდერის გამოცხადების დღიდან (მაგალითად, თუ ტენდერი გამოცხადდა 2019 წლის 1 მარტს, გამოცდილების პერიოდი იქნება 2016 წლის 1 მარტიდან - 2019 წლის 1 მარტამდე მონაკვეთი).

პრეტენდენტს გამოცდილებაში ჩაეთვლება საირიგაციო სისტემების*, კაშხლების, წყალსაცავების, ჰიდროელექტროსადგურების, დასახლებული პუნქტებისა და სამრეწველო ობიექტების წყალმომარაგება/წყალარინების სისტემების მშენებლობა**.

* საირიგაციო სისტემა წარმოადგენს არასაკმარისი ტენიანობის მქონე მიწების ნაყოფიერების გაზრდის მიზნით ხელოვნურად მოწყობილ სარწყავ სისტემას, რომლის შემადგენელი ნაწილია ამ მიზნისთვის მოწყობილი ჰიდროტექნიკური ნაგებობები: სათავე ნაგებობა, სხვადასხვა რიგის და ზომის არხი, მილსადენი, სატუმბო სადგური, აკვედუკი, დიუკერი, გვირაბი, შეტბორაფი, წყალგამანაწილებელი და წყალმიძღები ნაგებობა, წყალშზომი;

** მშენებლობად განიხილება „მშენებლობის ნებართვის გაცემის წესისა და საანგარიშო პირობების შესახებ“ საქართველოს მთავრობის 2009 წლის 24 მარტის #57 დადგენილების მე-4 მუხლის 1-ლი პუნქტის ა), ბ) და გ) ქვეპუნქტებით განსაზღვრული ახალი მშენებლობა (მათ შორის - მონტაჟი),

რეკონსტრუქცია და რემონტი (შეკეთება, მოპირკეთება/აღჭურვა), აგრეთვე დემონტაჟი, თუ იგი განხორციელებულია მშენებლობის

ზემოჩამოთვლილ სახეობებთან ერთად ერთი ობიექტის ფარგლებში.

დოკუმენტები, რომლითაც უნდა დასტურდებოდეს გამოცდილება

ა) პრეტენდენტის გამოცდილება უნდა დასტურდებოდეს შემდეგი დოკუმენტებიდან:

ა.ა.) მხარეთა მიერ ხელმოწერილი ხელშეკრულების ასლები;

ა.ბ.) შესაბამისი სამუშაოს შესრულების დამადასტურებელი დოკუმენტების ასლები, კერძოდ:

- სამუშაოს შესრულების აქტი (მაგალითად ფორმა N2 ან ანალოგიური შინაარსის სხვა დოკუმენტი) ან/და
- შესრულებული სამუშაოს მიღება-ჩაბარების აქტი ან/და
- დამკვეთის მიერ გაცემული შესრულებული სამუშაოს დამადასტურებელი ცნობა ან/და
- დადასტურებული საგადასახადო ანგარიშ-ფაქტურები.

ა.გ.) გარდა ზემოაღნიშნული დოკუმენტებისა, ერთი შესრულებული ხელშეკრულების ფარგლებში განხორციელებული, შემსყიდველის მიერ მოთხოვნილი ტიპის სამუშაოები, არანაკლებ შესყიდვის ობიექტის სავარაუდო ღირებულების 50%-ის ოდენობაზე, უნდა დასტურდებოდეს ისეთი დოკუმენტ(ებ)ით, რომელშიც შესაბამისი დამკვეთი ადასტურებს ხელშეკრულებით გათვალისწინებული სამუშაოების სრულად შესრულებას.

ბ) იმ შემთხვევაში, თუ პრეტენდენტს სამუშაოები შესრულებული აქვს როგორც ქვეკონტრაქტორს, პრეტენდენტმა უნდა მოუთხოვოს ძირითადი შემსყიდველის მაიდენტიფიცირებელი ინფორმაცია, ასევე, გარდა ზემოაღნიშნული დოკუმენტებისა, წარმოდგენილი უნდა იყოს მოცემული სამუშაოების ძირითადი შემსყიდველის მიერ გაცემული დოკუმენტი, რომლითაც დასტურდება იგივე სამუშაოების მიღება.

გ) იმ შემთხვევაში, თუ სამუშაოები შესრულებულია სახელმწიფო შესყიდვის ფარგლებში (ასევე, თუ ქვეკონტრაქტის შემთხვევაში ძირითად შემსყიდველს წარმოადგენს სახელმწიფო შემსყიდველი ორგანიზაცია) და ყველა შესაბამისი ინფორმაცია ატვირთულია სახელმწიფო შესყიდვების ერთიან ელექტრონულ სისტემაში, ზემოაღნიშნული დოკუმენტების ნაცვლად შესაძლებელია წარმოდგენილ იქნას სახელმწიფო შესყიდვის შესაბამისი ნომერი (SPA, NAT, CMR და სხვ.);

დ) იმ შემთხვევაში, თუ სამუშაოები შესრულებულია საქართველოს ტერიტორიაზე და დამკვეთს წარმოადგენს კერძო სამართლის იურიდიული პირი (არა სახელმწიფო შემსყიდველი ორგანიზაცია), პრეტენდენტმა ზემოაღნიშნულ დოკუმენტებთან ერთად აუცილებლად უნდა წარმოადგინოს დადასტურებული საგადასახადო ანგარიშ-ფაქტურები.

ე) გამოცდილების დასადასტურებლად კერძო სამართლის იურიდიულ პირებს შორის გაფორმებული დოკუმენტების (ხელშეკრულება, მიღება-ჩაბარების აქტი, სამუშაოების შესრულების აქტი/ფორმა #2) წარმოდგენის შემთხვევაში დოკუმენტები დამოწმებული/დადასტურებული უნდა იყოს ხელმოწერილი პირ(ებ)ის კვალიფიციური ელექტრონული ხელმოწერით ან/და კვალიფიციური ელექტრონული შტამპით, ასევე, შესაძლებელია მატერიალური დოკუმენტის ნოტარიულად დამოწმებული ასლების წარმოდგენაც (ნოტარიულად დამოწმებულ უნდა იქნას სველი ხელმოწერით/ბეჭდით შესრულებული დედნის ასლები).

ვ) წარმოდგენილი დოკუმენტებიდან შესაძლებელი უნდა იყოს სამუშაოების შინაარსისა და ღირებულების იდენტიფიცირება.

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

კი

☐ ☐ 2.5.1 მოუთხოვთ საქონლის მიწოდების/მომსახურების გაწევის/სამუშაოს შესრულების ვადებთან (გეგმა-გრაფიკი) დაკავშირებული მოთხოვნები

მიწოდებული ვალდებულია, ხელშეკრულების გაფორმებიდან 10 სამუშაო დღის განმავლობაში უზრუნველყოს სამუშაოების შესრულების გეგმა-გრაფიკის წარდგენა და შემსყიდველთან შეთანხმება. გეგმა-გრაფიკი უნდა იყოს, როგორც ხაზოვანი, ასევე, თანხობრივი, თვეების ჭრილობი. აღნიშნული გეგმა-გრაფიკი დაერთდება ხელშეკრულებას დანართად. შემსყიდველისათვის წარდგენილი გეგმა-გრაფიკით განსაზღვრული ვადები

უნდა შეესაბამებოდეს ხელშეკრულებით განსაზღვრულ სამუშაოების დასრულების ვადას.

გეგმა-გრაფიკის დარღვევის შემთხვევაში, შემსყიდველის აფრთხილებს მიმწოდებელს და შესაძლებელია მოსთხოვოს და შემდეგ შეითანხმოს განახლებული გეგმა-გრაფიკი, რომელშიც ნაჩვენებია უნდა იყოს თითოეული სამუშაოს ფაქტიური პროგრესი და ის ზეგავლენა, რომელსაც ის იქონიებს დარჩენილი სამუშაოების ვადებზე და დონისპიკების თანმიმდევრობაზე.

განახლებული გეგმა-გრაფიკი მიმწოდებლის მხრიდან წარმოდგენილ უნდა იქნას მოთხოვნიდან 3 სამუშაო დღის ვადაში.

ერთზე მეტი გაფრთხილების მიცემის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და ამოქმედოს ხელშეკრულებით საამისოდ განსაზღვრული პირობები.

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

არა

☐ 2.8 მოითხოვება თუ არა ინფორმაცია ქვეკონტრაქტორის შესახებ?

არა

☐ ☐ 2.9 სხვა დამატებითი მოთხოვნები (ველის შევსება არ არის სავალდებულო)

▼ ნიმუში ან/და ექსპერტიზის დასკვნა

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

არა

▼ ფასწარმოქმნის ადეკვატურობის დამადასტურებელი დოკუმენტ(ებ)ი

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

ფასწარმოქმნის ადეკვატურობა უნდა დასაბუთდეს აკრედიტირებული საექსპერტო ორგანიზაციისა ან სსიპ ლევან სამხარაულის სასამართლო ექსპერტიზის ეროვნული ბიუროს დასკვნით.

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან არაუმეტეს 5 სამუშაო დღის ვადაში

 სარეგისტრაციო/უფლებრივი მონაცემების ამსახველი დოკუმენტ(ებ)ი

☐ **5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?**

კი

☐ **5.1.2 მიუთითეთ იურიდიული პირისთვის წაყენებული მოთხოვნები**

ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, რომელიც ადასტურებს, რომ პრეტენდენტის მიმართ არ არის რეგისტრირებული ყადაღა/აკრძალვა ან/და საგადასახადო გირავნობა/იპოთეკის უფლება, ასევე, პრეტენდენტი არ არის რეგისტრირებული მოვალეთა რეესტრში.

ბ) ცნობა შესაბამისი ორგანოდან, რომელიც დაადასტურებს, რომ პრეტენდენტს არ ერიცხება სალდირებული დავალიანება სახელმწიფო ბიუჯეტის მიმართ.

☐ **5.1.3 მიუთითეთ ინდივიდუალური მეწარმისთვის წაყენებული მოთხოვნები**

ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, რომელიც ადასტურებს, რომ პრეტენდენტის მიმართ არ არის რეგისტრირებული ყადაღა/აკრძალვა ან/და საგადასახადო გირავნობა/იპოთეკის უფლება, ასევე, პრეტენდენტი არ არის რეგისტრირებული მოვალეთა რეესტრში.

ბ) ცნობა შესაბამისი ორგანოდან, რომელიც დაადასტურებს, რომ პრეტენდენტს არ ერიცხება სალდირებული დავალიანება სახელმწიფო ბიუჯეტის მიმართ.

☐ **5.1.4 მიუთითეთ ფიზიკური პირისთვის წაყენებული მოთხოვნები**

ა) პირადობის დამადასტურებელი დოკუმენტის ასლი

ბ) ცნობა შესაბამისი ადმინისტრაციული დაწესებულებიდან მოვალეთა რეესტრში რეგისტრაციის არარსებობის შესახებ.

☐ **5.1.5 მიუთითეთ ამხანაგობისთვის წაყენებული მოთხოვნები**

დოკუმენტები მოითხოვება, როგორც უშუალოდ ამხანაგობისთვის, ასევე, მისი თითოეული წევრისათვის:

ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, რომელიც ადასტურებს, რომ პრეტენდენტის მიმართ არ არის რეგისტრირებული ყადაღა/აკრძალვა ან/და საგადასახადო გირავნობა/იპოთეკის უფლება, ასევე, პრეტენდენტი არ არის რეგისტრირებული მოვალეთა რეესტრში.

ბ) ცნობა შესაბამისი ორგანოდან, რომელიც დაადასტურებს, რომ პრეტენდენტს არ ერიცხება სალდირებული დავალიანება სახელმწიფო ბიუჯეტის მიმართ.

☐ **5.1.6 მიუთითეთ არარეზიდენტი პირისთვის წაყენებული მოთხოვნები**

ა) არარეზიდენტი იურიდიული პირის შემთხვევაში, პრეტენდენტმა, გარდა 5.1.2. პუნქტის ა) და ბ) ქვეპუნქტებით გათვალისწინებული დოკუმენტებისა, უნდა წარმოადგინოს საკუთარი ქვეყნის შესაბამისი უფლებამოსილი ორგანოდან გაცემული ცნობა/ცნობები, რომ არ ხორციელდება არარეზიდენტი იურიდიული პირის რეორგანიზაცია ან ლიკვიდაცია. ყველა დოკუმენტი დამოწმებული უნდა იყოს კანონმდებლობით დადგენილი წესით (ლეგალიზებული და აპოსტილით დამოწმებული) და მათ თან უნდა ერთვის ნოტარიულად დამოწმებული ქართული თარგმანი.

ბ) არარეზიდენტი ფიზიკური პირის შემთხვევაში პრეტენდენტმა უნდა წარმოადგინოს 5.1.4. პუნქტის ა) და ბ) ქვეპუნქტებით გათვალისწინებული

დოკუმენტები. ყველა დოკუმენტი დამოწმებული უნდა იყოს კანონმდებლობით დადგენილი წესით (ლეგალიზებული და აპოსტილით დამოწმებული) და მათ თან უნდა ერთვოდეს ნოტარიულად დამოწმებული ქართული თარგმანი.

5.1.7 მიუთითეთ წარმომადგენლობისთვის/ფილიალისთვის წაყენებული მოთხოვნები

წარმოდგენილ უნდა იქნას, როგორც პრეტენდენტის, ასევე, სათაო კომპანიის 5.1.2. პუნქტის ა) და ბ) ქვეპუნქტებით გათვალისწინებული დოკუმენტები. ასევე, დამატებით უნდა იქნას წარმოდგენილი სათაო კომპანიის ქვეყნის შესაბამისი უფლებამოსილი ორგანოდან გაცემული ცნობა/ცნობები, რომ არ ხორციელდება სათაო კომპანიის რეორგანიზაცია ან ლიკვიდაცია. უცხოური დოკუმენტები დამოწმებული უნდა იყოს კანონმდებლობით დადგენილი წესით (ლეგალიზებული და აპოსტილით დამოწმებული) და მათ თან უნდა ერთვოდეს ნოტარიულად დამოწმებული ქართული თარგმანი.

ხელშეკრულების შესრულების უზრუნველყოფის გარანტია

6.1 მიუთითეთ ხელშეკრულების შესრულების უზრუნველყოფის გარანტიის ოდენობა - (2 %-დან 5 %-ის ჩათვლით)

5 პროცენტი

ჩაწერა

6.2 მიუთითეთ სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში გარანტიის ოდენობა - (2 %-დან 10 %-ის ჩათვლით)

10 პროცენტი

ჩაწერა

6.3 მიუთითეთ გარანტიის მოქმედების ვადა

ხელშეკრულების შესრულების უზრუნველყოფის გარანტია არანაკლებ 60 კალენდარული დღით უნდა აღმატებულიდეს ხელშეკრულების მოქმედების ვადას.

6.4 მიუთითეთ გარანტიის პირობები

ა) საბანკო გარანტია წარმოდგენილი უნდა იყოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულებიდან. შესაძლებელია ასევე წარმოდგენილ იქნას უცხო ქვეყნის საბანკო დაწესებულების მიერ გაცემული საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ.

ბ) საბანკო გარანტია უნდა იყოს უპირობო და შემსყიდველს უფლებას აძლევდეს, საბანკო გარანტიის გასცემა დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საბანკო გარანტიით განსაზღვრული სრული თანხა.

გ) ხელშეკრულების შესრულების უზრუნველყოფის საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულებების შესრულებლობის ან არაჯეროვანი შესრულების რისკის თავიდან ასაცილებლად, ასევე, აღნიშნული ქმედებით გამოწვეული ნებისმიერი ზიანის ანაზღაურების მიზნით. აღნიშნულის გათვალისწინებით, ხელშეკრულების შესრულების უზრუნველყოფის საბანკო გარანტიით განსაზღვრული თანხის შემცირება არ განხორციელდება ხელშეკრულებით თანახმად დაკისრებული პირგასამტეხლოების თანხის პროპორციულად, პირგასამტეხლოს გადახდას (ასეთის არსებობის შემთხვევაში) მიმწოდებელი უზრუნველყოფს დამატებით.

დ) მიმწოდებლის მიერ ხელშეკრულებით ნაკისრი ვალდებულების სრულად შესრულების და შემსყიდველის მიერ ამ შესრულების მიღების შემდეგ, ასევე, ფორს-მაჟორული გარემოებების გამო ხელშეკრულების შეწყვეტის შემთხვევაში, შემსყიდველი ვალდებულია დაუბრუნოს მიმწოდებელს

ხელშეკრულების შესრულების უზრუნველყოფის საბანკო გარანტია.

ე) მიმწოდებლის მიერ ხელშეკრულების შეწყვეტის შემთხვევაში, შემსყიდველი უფლებამოსილია აამოქმედოს ხელშეკრულების შესრულების უზრუნველყოფის საბანკო გარანტია.

ვ) შემსყიდველის მიერ, ხელშეკრულების 8.4 მუხლით გათვალისწინებულ შემთხვევაში (შემთხვევები, როდესაც შემსყიდველი უფლებამოსილია ცალმხრივად შეწყვიტოს ხელშეკრულება მიმწოდებლის ზრალეული ქმედებების გამო) ხელშეკრულების ცალმხრივად შეწყვეტისას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე. ამ შემთხვევაში მიმწოდებელი არ თავისუფლდება შემსყიდველისათვის მიყენებული ზიანის ანაზღაურებისაგან, იმ სხვაობის ფარგლებში, რითაც აღემატება მიყენებული ზიანი ხელშეკრულების შესრულების უზრუნველყოფის საბანკო გარანტიის ოდენობას.

ზ) ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია წარმოადგინოს ვადაგაგრძელებული ან ახალი საბანკო გარანტია, რომელიც 60 დღით უნდა აღემატებოდეს ხელშეკრულების გაგრძელებულ ვადას. იმ შემთხვევაში, თუ მიმწოდებელი არსებული საბანკო გარანტიის ვადის გასვლამდე 30 კალენდარული დღით ადრე არ ან ვერ უზრუნველყოფს ვადაგაგრძელებული ან ახალი საბანკო გარანტიის წარმოდგენას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე.

200 000 (ორასი ათასი) ლარზე ნაკლები სატენდერო წინადადების ფასის დაფიქსირების შემთხვევაში ხელშეკრულების შესრულების უზრუნველყოფის საბანკო გარანტიის მოთხოვნის დასაბუთება:

შესყიდვის ობიექტის სავარაუდო ღირებულება განსაზღვრული იქნა სამშენებლო სამუშაოების სპეციფიკის, ხირთულის, მიწოდების ვადებისა და ტექნიკური დავალებით გასაწევი ღონისძიებების გათვალისწინებით, რომლის შესრულებაც უნდა განხორციელდეს დროულად, აუცილებელი რაოდენობის მაღალი კვალიფიკაციის სპეციალისტების მიერ, შესაბამისი მანქანა-მექანიზმებისა და მაღალი ხარისხის სამშენებლო მასალების გამოყენებით. აღნიშნულიდან გამომდინარე სატენდერო წინადადების ფასის 200 000 (ორასი ათასი) ლარის ან ნაკლები ოდენობით წარმოდგენის შემთხვევაში არსებობს ალბათობა სამუშაოების შესრულების დროს დასაქმებული იყოს საჭიროზე ნაკლები სპეციალისტი და გამოყენებული იქნას საჭირო რაოდენობაზე ნაკლები მანქანა-მექანიზმები, რაც თავისთავად ქმნის რისკს ნაკისრი ვალდებულება მიწოდებული იყოს არაჯეროვნად და დაგვიანებით, ასევე სამუშაოების შესრულებისას დანახარჯების შემცირების მიზნით გამოყენებული იყოს შედარებით დაბალი ხარისხის სამშენებლო მასალები, რაც თავისთავად იმოქმედებს შესრულებული სამუშაოების ხარისხზე. ზემოაღნიშნული რისკის შემცირების უზრუნველსაყოფად ხელშეკრულების შესრულების საბანკო გარანტიის გამოყენება განხორციელდება ნებისმიერ შემთხვევაში.

ანგარიშსწორების პირობები

☐ 7.1 გამოიყენება თუ არა წინასწარი ანგარიშსწორება?

კი

☐ 7.1.1 მიუთითეთ წინასწარ გადასახდელი თანხის ოდენობა და პირობები

ა) მიმწოდებელი უფლებამოსილია შემსყიდველს წარუდგინოს წერილობითი მოთხოვნა წინასწარი ანგარიშსწორების თანხის (ავანსის) გადახდის თაობაზე, რომლის ოდენობა არ უნდა აღემატებოდეს ხელშეკრულების ღირებულების 10%.

ბ) ავანსის გადახდის თაობაზე წერილობით მოთხოვნასთან ერთად, მიმწოდებელმა შემსყიდველს უნდა წარუდგინოს იმის დამადასტურებელი დოკუმენტაცია, რომ იგი არ არის რეგისტრირებული მოვალეთა რეესტრში, მის მიმართ არ არის რეგისტრირებული ყადაღა/აკრძალვა ან/და საგადასახადო გირავნობა/იპოთეკის უფლება, ასევე, სახელმწიფო ბიუჯეტის წინაშე არ ერიცხება სალდირებული დავალიანება. იმ შემთხვევაში, თუ წარმოდგენილი დოკუმენტებით იკვეთება, რომ მიმწოდებელი რეგისტრირებულია მოვალეთა რეესტრში, ან მის მიმართ რეგისტრირებულია

ყადაღა/ავტომატური ან/და საგადასახადო გირავნობა/იპოთეკის უფლება ან სახელმწიფო ბიუჯეტის წინაშე მიმწოდებელს ერიცხება სალდირებული დავალიანება, ავანსის გადახდის საკითხს, მიზანშეწონილობის გათვალისწინებით, გადაწყვეტს შემსყიდველი.

გ) შემსყიდველის მიერ ავანსის გადახდის თაობაზე დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემული წინასწარი ანგარიშსწორების (საავანსო) საბანკო გარანტია, მოთხოვნილი თანხის იდენტურ ოდენობაზე. შესაძლებელია ასევე წარმოადგენილ იქნას უცხო ქვეყნის საბანკო დაწესებულების მიერ გაცემული საავანსო საბანკო გარანტია, რომელიც გადაზღვრული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ. საავანსო საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

გ) ავანსის გადახდა განხორციელდება ზემოაღნიშნული საავანსო საბანკო გარანტიის შემსყიდველისათვის წარდგენიდან 10 სამუშაო დღის განმავლობაში.

ე) საავანსო საბანკო გარანტია უნდა იყოს უპირობო და შემსყიდველს უფლებას აძლევდეს, საავანსო საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საავანსო საბანკო გარანტიით განსაზღვრული შესაბამისი თანხა.

ვ) იმ შემთხვევაში, თუ მიმწოდებელი რეგისტრირებულია კუთხისინდისიერ მიმწოდებელთა რეესტრში ე.წ. „თეთრ სიაში“, მიმწოდებელი უფლებამოსილია შემსყიდველს წარუდგინოს საავანსო საბანკო გარანტია გასაცემი ავანსის ნახევრის ოდენობაზე. აღნიშნულ შემთხვევაში, თავდაპირველად განხორციელდება არაუზრუნველყოფილი საავანსო თანხის სრულად დაქვითვა.

ზ) ავანსად გადარიცხული თანხის დაქვითვა მოხდება ეტაპობრივად, კერძოდ, მიმწოდებელს შესრულებული სამუშაოს ღირებულებიდან დაუკავდება თანხის ის პროცენტული ოდენობა, ხელშეკრულების ღირებულების რა პროცენტზე მიღებული აქვს ავანსად.

თ) იმ შემთხვევაში, თუ ხელშეკრულებით გათვალისწინებული პირობების შესაბამისად, ხელშეკრულება შეწყდა ვადაზე ადრე ან/და მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ თანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების მიღებიდან არაუგვიანეს 5 სამუშაო დღის ვადაში, დააბრუნოს წინასწარ ავანსის სახით გადარიცხული თანხიდან დაუქვითავი ნაწილი (იგივე ვალდებულება ვრცელდება „თეთრ სიაში“ რეგისტრირებულ მიმწოდებელზე, როგორც არაუზრუნველყოფილ, ასევე, უზრუნველყოფილ საავანსო თანხაზე). წინააღმდეგ შემთხვევაში, შემსყიდველი უფლებამოსილია მიმართოს საავანსო საბანკო გარანტიის გამცემ დაწესებულებას შესაბამისი თანხის დაბრუნების თაობაზე.

7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

1. ანგარიშსწორება განხორციელდება უნაღდო ანგარიშსწორების ფორმით, ლარში, ფაქტიურად შესრულებული სამუშაოს მოცულობის შესაბამისად, ხელშეკრულებით გათვალისწინებულ რეკვიზიტებზე.
2. ანგარიშსწორების მიზნით, მიმწოდებელი ვალდებულია, შემსყიდველს სულ მცირე ყოველთვიურად წარუდგინოს ფაქტობრივად შესრულებული სამუშაოების მთლიანი ღირებულება საანგარიშო პერიოდისა და ნაზარდი ჯამის მითითებით. მიმწოდებელი არ არის შეზღუდული საანგარიშო პერიოდში წარმოადგინოს რამდენიმე შესრულება.
3. ანგარიშსწორება ხორციელდება ფაქტობრივად შესრულებული სამუშაოებისა და შემსყიდველის უფლებამოსილი წარმომადგენლ(ებ)ის მიერ დადასტურებული მოცულობების მიხედვით, შესაბამისი მიღება-ჩაბარების აქტის საფუძველზე. ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის დადასტურებიდან (რომელიც უფრო გვიან დადგება) 10 სამუშაო დღის განმავლობაში.
4. სამუშაოების საბოლოო მიღება-ჩაბარებით განსაზღვრული ანგარიშსწორება განხორციელდება საბოლოო მიღება-ჩაბარების აქტის გაფორმებიდან 10 (ათი) სამუშაო დღის განმავლობაში;
5. საბოლოო ანგარიშსწორება, ხელშეკრულებით გათვალისწინებული გამოქვითვების გამოკლებით, განხორციელდება სსიპ ლ. სამხარაულის სასამართლო ექსპერტიზის ეროვნული ბიუროს ან ნებისმიერი აკრედიტებული საექსპერტო ორგანიზაციის დასკვნით განსაზღვრული მოცულობების მიხედვით, მაგრამ არაუმეტეს ხელშეკრულების ჯამური ღირებულებისა. იმ შემთხვევაში, თუ შემსყიდველს ფაქტობრივად უკვე

გადახდილი ექვება საექსპერტო ორგანიზაციის დასკვნით განსაზღვრული მოცულობების ღირებულებაზე მეტი ოდენობის თანხა, მიმწოდებელი ვალდებული მოთხოვნიდან 5 (ხუთი) სამუშაო დღის განმავლობაში დააბრუნოს სხვაობა, წინააღმდეგ შემთხვევაში, მოცემული თანხა გამოიქვითება ხელშეკრულების მე-12 მუხლით გათვალისწინებული ხელშეკრულების შესრულების უზრუნველყოფის საბანკო გარანტიიდან;

6. ყოველი ანგარიშსწორებისას გადასახდელი თანხიდან განხორციელდება დაქვითვები ხელშეკრულების 6.8.7. (ავანსის დაქვითვა), 7.5. (ხარისხის უზრუნველყოფის გარანტია) და 9.5. (ადმინისტრაციული სახდელი) პუნქტების პირობების გათვალისწინებით.

7. იმ შემთხვევაში, თუ ანგარიშსწორების მომენტისათვის, მიმწოდებელს უფიქსირდება თანხობრივი ვალდებულებები შემსყიდველის წინაშე (გადაუხდელი პირგასამტეხლო), შემსყიდველი უფლებამოსილია გამოქვითოს აღნიშნული თანხა გადასახდელი ოდენობიდან.

8. ხარჯთაღრიცხვაში ასახული გათვალისწინებული სამუშაოების თანხების ხარჯვა მიმწოდებლის მიერ მოხდება მხოლოდ აუცილებლობიდან გამომდინარე, შემსყიდველთან წინასწარი შეთანხმებით.

☐ 7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები (სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

1. ანგარიშსწორება ხორციელდება ფაქტობრივად შესრულებული სამუშაოებისა და შემსყიდველის უფლებამოსილი წარმომადგენლ(ებ)ის მიერ დადასტურებული მოცულობების მიხედვით, შესაბამისი მიღება-ჩაბარების აქტის საფუძველზე. ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის დადასტურებიდან (რომელიც უფრო გვიან დადგება) 10 სამუშაო დღის განმავლობაში.

2. სამუშაოების საბოლოო მიღება-ჩაბარებით განსაზღვრული ანგარიშსწორება განხორციელდება საბოლოო მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

☒ ხელშეკრულების პროექტი

☐ 8.1 ატვირთეთ ხელშეკრულების პროექტი



ხელშეკრულების პროექტი.pdf

☒ საკონტაქტო პირის შესახებ ინფორმაცია

☐ 9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

მაბუკა სიხარულიძე, 514893232, m.sikharulidze@ag.ge

☒ დამატებითი ინფორმაცია/დოკუმენტები

☐ 10.1 დამატებითი ინფორმაცია/დოკუმენტები (გელის შევსება არ არის სავალდებულო)

პრეტენდენტი ვალდებულია წინადადების წარმოდგენამდე სამუშაოების წარმოების ადგილზე გაეცნოს არსებულ ვითარებას.

2019 წლის 1 იანვრიდან, შემსყიდველი ორგანიზაციები და შესყიდვებში მონაწილეობის მსურველები/პრეტენდენტები/მიმწოდებლები „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე ვალდებული არიან, სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით, გარდა საქართველოს კანონმდებლობით გათვალისწინებული შემთხვევებისა (იხილეთ სახელმძღვანელო ინსტრუქცია).



სახელმძღვანელო ინსტრუქცია.pdf

☒ სატენდერო პირობების დამტკიცების შესახებ სატენდერო კომისიის სხდომის ოქმი





☐ 11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი

სატენდერო კომისიის სხდომაზე განიხილეს წარმოდგენილი ინფორმაცია და სატენდერო პირობები, ერთხმად დაეთანხმნენ და აღნიშნეს, რომ იგი შეესაბამება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 14.06.2017წ. N12 ბრძანებით დამტკიცებულ „ელექტრონული ტენდერის ჩატარების წესის“ მოთხოვნებს.

სხდომაზე მოწვეულმა პირმა, პროექტირების სამსახურის უფროსმა ირაკლი წურწუმიამ აღნიშნა, რომ ტენდერი უნდა გამოცხადდეს სხდომაზე წარმოდგენილი დოკუმენტაციის შესაბამისად.

კომისიის წევრებმა ერთხმად დაადგინეს:

- ელექტრონული ტენდერის (აუქციონის გარეშე) სატენდერო პირობების პროექტი და ხელშეკრულების პროექტი დამტკიცდეს წარმოდგენილი სახით.
- ელექტრონული ტენდერის (აუქციონის გარეშე) სატენდერო პირობების პროექტით განსაზღვრული საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების შესყიდვის სავარაუდო ღირებულებად განისაზღვროს 4'936'418 (ოთხი მილიონ ცხრაასოცდათექვსმეტი ათას ოთხასთვრამეტი) ლარი (დღგ-ს გათვალისწინებით).
- სატენდერო წინადადების ფასის კლების ბიჯი შეადგენს შესყიდვის სავარაუდო ღირებულების 0.4%-ს.
- დაევალოს სატენდერო კომისიის აპარატს, საგარეჯოს მუნიციპალიტეტში „ქვემო სამგორის სარწყავი სისტემის, მარცხენა მაგისტრალური არხის მონაკვეთის (პკ184+64-დან პკ313+42-მდე) რეაბილიტაცია (II ეტაპი)“ სამუშაოების (კლასიფიკატორის კოდი: 45200000; 45240000) სახელმწიფო შესყიდვის განხორციელების მიზნით, სახელმწიფო შესყიდვების ერთიან ელექტრონულ სისტემაში სატენდერო განცხადებისა და სატენდერო დოკუმენტაციის განთავსება.

კომისიის თავმჯდომარე		დავით ტექტუნაშვილი
კომისიის თავმჯდომარის მოადგილე		გენადი კერძევაძე
კომისიის წევრი		თენგიზ ლაკირბაია
კომისიის წევრი		გიორგი ხუბუა
კომისიის წევრი		ზურაბ მარაქველიძე
კომისიის წევრი		თენგიზ ნასარიძე
კომისიის წევრი		ზურაბ ქაჯაია
კომისიის წევრი		ნინო გუბიშვილი
კომისიის წევრი		თეიმურაზ ბეძაური
კომისიის აპარატის წევრი		დავით გრიგოლაშვილი
კომისიის აპარატის წევრი		მამუკა სიხარულიძე
მოწვეული პირი		ირაკლი წურწუმი